

MILLIY TIKLANISH



4 (169) ● 2012 йил 1 февраль, чоршанба ● Ўзбекистон "Миллий тикланиш" демократик партиясининг ижтимоий-сиёсий газетаси
www.milliytiklanish.uz ● 2008 йил 30 октябрдан чиқа бошлаган

Мафкуравий янгиланиш ва кадрлар салоҳиятини ошириш

Бугунги кунда ҳар бир сиёсий партия ўз фаолиятини танқидий таҳлил қилиб янада такомиллаштириши, партия мафкурасини янгича қарашлар билан бойитиш, электорат манфаатларини таъминлаш ва сиёсий-ҳуқуқий ҳамда маънавий жиҳатдан етук кадрлар захирасини шакллантириши талаб этилади.

3 ПАРТИЯ ҲАЁТИ



Юсак эътибор изланишга ундайди

Давлатимиз раҳбарининг 2008 йил 8 июлда қабул қилинган «Болалар мусиқа ва санъат мактабларининг моддий-техник базасини мустаҳкамлаш ва уларнинг фаолиятини янада яхшилаш бўйича 2009-2014 йилларга мўлжалланган Давлат дастури тўғрисида»ги қарори ижросини таъминлаш борасида Фарғона вилоятида ҳам изчил ишлар амалга оширилмоқда.

5 МАЪНАВИЯТ



Тарих зарварақларидаги битик

Кўқон ўлкашунослик музейида воҳанинг ўзига хос маданияти ва санъатига оид 35 мингдан ортиқ экспонатлар сақланади. Нобх экспонатлар орасида қандакорлик, каштачилик, хаттотлик, заргарлик, ёғоч уймақорлиги ҳамда нақшошлик намуналарини учратиш мумкин.

8 КЎЗГУ

ХАБАРЛАР

Халқаро эътироф

«Жаҳон онг марказлари рейтинг» натижаларига кўра, Ўзбекистон иқтисодий тадқиқотлар маркази 2011 йилда Осиёнинг TOP-30 таҳлил марказлари сафидан жой олди.

АҚШнинг Пенсильвания университети Халқаро алоқалар дастури томонидан эълон қилинган «Жаҳон онг марказлари рейтинг»нинг йиллик ҳисобот тақдими БМТнинг Нью-Йоркдаги қароргоҳида бўлиб ўтди. Тадқиқот натижаларига кўра, 202 та илғор таҳлилий марказ дунёнинг энг яхши «онг маркази» деб топилган. Хитой, Япония, Индонезия, Австралия, Сингапур, Жанубий Корея, Малайзия, Тайвань, Марказий Осиё ва бошқа давлатларнинг 1198 та ташкилотлари орасидан танлаб олинган Ўзбекистон иқтисодий тадқиқотлар маркази нуфузли TOP-30 таҳлилий гуруҳга киритилди. Эътиборлиси шундаки, Ўзбекистон иқтисодий тадқиқотлар маркази Марказий Осиёдан TOP-30 гуруҳига киритилган ягона вакилдир.

Акциядорлик капитали ошди

2012 йилда юртимиздаги тижорат банкларининг акциядорлик капитали 12 миллиард 880 миллион сўмга кўпайиб, жами 1 триллион 762 миллиард 890 миллион сўмни ташкил этди.

Ўзбекистон ташқи иқтисодий фаолият миллий банки маълумотларига қараганда, тижорат банкларининг акциядорлик капитали 3 миллиард 850 миллион 600 минг акцияга бўлинган. Бу акциядорлик капиталнинг 23,4 фоизини, Ўзбекистон қимматли қоғозлар бозоридаги жами акциялар сонининг 54,6 фоизини ташкил қилади. Ўзбекистон банк тизимида айни пайтда Марказий банк ҳамда 30 та тижорат банклари фаолият юритмоқда.

Янги марказ очилди

Андижон вилоятининг Хонобод шаҳрида «Аёллар маркази» иш бошлади.

Шаҳар ҳокимлиги ва Хотин-қизлар кўмитасининг шаҳар бўлими ҳамкорлигида ташкил қилинган марказда мутахассисликка эга бўлмаган уй бекалари маълум касбларга ўқитилади. Марказ машғулоти чоғида уй бекалари малакали усталардан тикувчилик сирлари, шунингдек, хонатлас, адрас ва беқасам каби миллий матолар тўқишни ўрганишади. Янги «Аёллар маркази»да гўзаллик салони, тўй либослари кўرғазмаси, соғломлаштириш маркази ҳам иш бошлади.

2012 ЙИЛ — МУСТАҲҚАМ ОИЛА ЙИЛИ



Оила мустаҳкамлиги — юрт тинчлиги

2012 йили мамлакатимизда «Мустаҳкам оила йили», деб эълон қилиниши халқимизнинг кўнглидаги қарор бўлди. Оилапарвар, болажон халқимиз мамлакатимизда олиб борилаётган ислохотларнинг барчаси инсон учун, инсон ҳаётининг барча қирраларини жиҳатларини қамраб олинишига эътибор қаратиш ва амалга ошириш давлат сиёсатининг бош ғояси эканлигини яна бир бор чуқур ҳис қилди. Бугун ҳар бир оилада ёшлар тақдирини келажagini ўйлаб, уларни ўйли-жойли қилиб, таълим-тарбия бериб, жамиятнинг фаол аъзоси бўлишига қаратилган ишларнинг давлат томонидан қўллаб-қувватланиши, ҳуқуқий, маънавий ва моддий импийёллар яратилиши келажакка қўйилаётган тамал тоши эканлигини алоҳида таъкидлаш жоиз.

Оила ва унинг мустаҳкамлиги халқимизнинг азалий қадриятларидан ҳисобланади. Янги оила кураётганларга «Кўшгани билан кўша қаришсин», деб эзгу-тилак билдиришлари замирида ҳам катта маъно бор. Ёки оилада бирор кўнглисизлик рўй бергудек бўлса «маҳалла-қўй нима дейди», деб айтилган истихолода ҳам маҳалланинг ўрни, аждодларимиздан мерос мулоҳазакорлик, оила мустаҳкамлиги ва донишмандлик мужассам.

2-бет

ЮКСАК МАЪНАВИЯТ — ЕНГИЛМАС КУЧ

Мулоқот маданияти

НУТҚНИ ШАКЛАНТИРАДИГАН ОМИЛЛАРГА БОҒЛИК

Ўзбекистон Президенти Ислоҳ Каримовнинг «Ўзбекистон мустақилликка эришиш остонасида» асарида «Тил элни бираштириши лозим»лиги теран таҳлил қилиб берилган. Тил инсонлар ўртасида муҳим алоқа воситаси сифатида ижтимоий муносабатларни шакллантириш, уларнинг ислохотлар моҳиятини чуқур англашлари, ўзаро бир-бирини тушуниб, бунёдкорлик ишларини олиб боришлари, дўстона алоқаларни ривожлантиришлари, кундалик муомала жараёнида беҳимнат хизмат қилар экан, бу муносабатларни мулоқот маданиятисиз тасаввур этиб бўлмайди.

Мулоқот жараёни ниҳоятда мураккаб, унинг бошланиши, аввало, кишиларнинг руҳий ҳолати, суҳбатдошга ижобий ёки салбий муноса-

бати кабилар билан бевосита боғлиқ бўлсада, давомийлиги яна қатор омилларни ҳисобга олишни талаб этади. Ўзбек тилининг ҳозирги пайтдаги ижтимоий ҳолати мулоқот маданиятининг миллий урф-одатларимиз, менталитетимиз, анъаналаримиз ва умуминсоний қадриятларга мос равишда ривожланиб бораётганидан далолат беради. Мулоқот маданиятининг ўзига хос хусусиятлари таниқли олимларнинг қатор илмий тадқиқотларида маълум даражада ёритилган. Лекин мулоқот маданияти ва нутқни шакллантирадиган омиллар, ўзаро ижтимоий муносабатларда ўзбек тили имкониятларидан фойдаланиш маҳорати хусусида мулоҳаза юритиш ҳамisha долзарб бўлиб келган.

Инсонлар ўртасидаги мулоқот тил воситалари орқали юз берсада, унинг юқори маданиятли, маърифатли бўлиши нафақат тил бирликларидан адабий тил меъёрларига амал қилган ҳолда, нутқ маданияти талаблари даражасида суҳбатлашишни, балки бошқа бир қанча омилларни ҳам ҳисобга олишни талаб этади. Бундай омиллар сирасига қуйидагиларни киритиш мумкин:

— умуминсоний қадриятларни ҳисобга олиш;

«— Тил, нутқ маданиятини оширишга кўмаклашиш, адабий тилдан фойдаланиш қондалари бузилишига қарши аниқ мақсадга қаратилган ишлар олиб бориш;»

ЎЗМТДПнинг сайловолди Платформасидан

— анъанавий урф-одатларни яхши билиш ва уларга амал қилиш;
— катталарга ҳурмат ва кичикларга иззат кўрсатиш;
— хотин-қизларга алоҳида ҳурматда бўлиш;
— оиладаги тарбиявий муҳит: эр-хотин муомаласи, ота-онанинг фарзандларига муносабати;
— устозларнинг шогирдларига муносабати ва муомаласи.

Мулоқот жараёни тил ва юқорида саналган тилдан ташқари омилларнинг ўзаро уйғунлиги натижасида юзага келиб, улардан унумли ва оқилона фойдаланиш мулоқотнинг жонлиги, самимийлиги, самарадорлигини таъминлайди. Кайковус «Қобуснома» асарида бу борада шундай сабоқ беради: «Хар кишига сўз айтур бўлсанг қарагил, ул сенинг сўзингга харидорму ёки харидор эмасму? Агарда уни сўзингга харидор топсанг, унга сўзингни сотгил. Йўқ эрса, ул сўзни қўйиб, шундоқ сўз дегилким, унга хуш келсин ва сенинг сўзингга харидор бўлсин».

5-бет

ЎЗМТДП ТАШКИЛОТЛАРИДА

«Ўзбекистон мустақилликка эришиш остонасида»

АСАРИ МАЗМУН-МОҲИЯТИ ЎЗМТДП ТАШКИЛОТЛАРИДА КЕНГ ЎРГАНИЛМОҚДА

Самарқандда ЎЗМТДП Марказий Кенгаши ва партиянинг Олий Мажлис Қонунчилик палатасидаги фракцияси, Фуқаролик жамияти шаклланиши мониторинг қилиш мустақил институти Самарқанд минтақавий бўлими, Республика Маънавият тарғибот маркази вилоят бўлими ҳамда Самарқанд давлат университети ҳамкорлигида «Ўзбекистон мустақилликка эришиш остонасида» асаридаги ғояларнинг миллий давлатчиликни ривожлантиришдаги аҳамияти мавзусида давра суҳбати ўтказилди.

2-бет

«Milliy tiklanish» газетасига обуна бўлинг!

Нашр кўрсаткичи — 158



